

# GOD'S SIMPLE PLAN OF SALVATION

## Introduction

I Jon 5:13 Jisaské guné miték sanévéknwu. Sanévéknwute guné kéga wo, “Jisas wan Gotna nyaan. Dé naanat kutkalé yaké dé yo. Wan adél.” Naate guné wo. Gunéké wuné kényé nyéga kaviyu. Guné kulé mawulé kérae apuba apuba miték rasaakugunéranké kutdénngunuké, wuné kényé nyéga kaviyu.

## I We are all sinners!

Romba 3:10 Wani kapéredi mawulé yakwa du taakwaké Gotna nyégaba kényi kudi dé kwao: Yéknwun mu yakwa du taakwa las kaapuk radakwa. De akwi kapéredi mu de yo.

Romba 3:23 Wani yaabu wan kéga. Naané Jisas Kraiské miték sanévéknwute déku kudiké “Adél” naanaran Got wadu naané déku méniba yéknwun mu yakwa du taakwa raké naané yo. Judana du taakwa, nak gena du taakwa, naané akwi kapéredi mu naané yak. Yate yéknwun ban Got wale ramarék yate séknaaba naané ro.

Romba 5:12 Naané Gotké miték sanévéknwute déku kudiké “Adél” naanaka Got naané ké “Yéknwun mu yakwa du taakwa” naadékwaké sanévéknwute, naané kutdénngék. Déknyényba taale ran du Adam kapéredi mu ye kiyaadéka déku kukba yae kényi képmaba rakwa akwi du taakwa déku képmawaara rate de kiyaak. Kiyaadanké naané wawo akwi kiyaaké naané yo, naané akwi kapéredi mu yanan bege. Waga naané kutdénngék.



**We are all sinners!**

## II There is a cost for that sin!

Romba 6:23 Wakwewurén kudiké sanévéknwute wuné gunat kéga wo. Kapéredi mu yakwa du taakwat Got kaatate wadu kényi kapéredi mu yaaké dé yo. De yalagé de yo. Got wale rasaakumarék yaké de yo. Naana Némaan Ban Jisas Kraiské wale nakurak mawulé yate rakwa du taakwaké, Got kényi yéknwun mu bakna kwayéké dé yo. De dé wale miték rasaakuké de yo apuba apuba.

Revelasen 21:8 Kapéredi yaabuba yékwa du taakwa wani yéknwun mawulé nyégélmarek yaké de yo. Wuna jébaa kutmuké wup yakwa du taakwa, wuna kudiké kuk kwayén du taakwa, kapéredi mu yasaakukwa du taakwa, du taakwat viyaapérekgwa du taakwa, nak du taakwa wale kapéredi mu yakwa du taakwa, kus mayéra yakwa du taakwa, yénaa gotna yéba kevérékgwa du taakwa, yénaa kudi wakwekwa akwi du taakwa, wani du taakwa yaa yaankwa kwawuba dawuliké de yo. Wupmalemu yaa yaankwa matu wawo wani kwawuba dé ro. Wani kwawuba dawuliran du taakwa tépa kiyaaké de yo.” Naate dé Got wunat wak.

### **III Christ died for our sins.**

Romba 5:6 Déknyényba naané apa yamarék yanaka Got wadén tulé Kraiss yae dé naané déku kudi véknwumarék yan du taakwaké dé kiyaak.

Romba 5:8 Naané yéknwun mu yakwa du taakwa ramarék yate kapéredi mu yakwa du taakwa ranaka Kraiss naanat kutkalé yaké nae dé naanéké kiyaak. Got naanéké mawulat kapére yate wadéka Kraiss dé naanéké kiyaak. Got waga watakne dé naanat wakwatnyu, dé naanéké mawulat kapére yadékwaké.

Romba 14:9 Wani muké dé Kraiss kiyae dé tépa nébéle raapmék. Kiyaan du taakwa, naané wekna rakwa du taakwaké wawo némaan ban raké nae dé kiyae dé tépa nébéle raapmék.

Romba 6:23 Wakwewurén kudiké sanévéknwute wuné gunat kéga wo. Kapéredi mu yakwa du taakwat Got kaatate wadu kényi kapéredi mu yaaké dé yo. De yalakgé de yo. Got wale rasaakumarék yaké de yo. Naana Némaan Ban Jisas Kraiss wale nakurak mawulé yate rakwa du taakwaké, Got kényi yéknwun mu bakna kwayéké dé yo. De dé wale miték rasaakuké de yo apuba apuba.



**Christ died for sinners!**

**IV Salvation is a free gift, not by good works. You must take God's word for it, and trust Jesus alone!**

Aposel 4:12 Waga de déknyényba kavik, Gotna nyaan Jisaské. Kavidaka bulaa gunat wuné wakweyo déké. Dé kapmu naanat kutkalé yadu naané kulé mawulé kérae miték rasaakuké naané yo. Jisas dé kapmu naanat waga kutkalé yaké dé yo. Nak du kaapuk.”

Epesasba 2:8-9 Wunébu wakwek. Wan Got dé gunéké mawulé léknék. Mawulé lékte dé gunat kutkalé yate gunat Setenna taababa dé kéraak. Kéraadéka guné déké miték sanévéknwute déku kudiké “Adél” naagunéka dé gunéké kulé mawulé kwayék. Gunat wuné waato. Guné jébaa yagunék Got gunéké dé kulé mawulé kwayék, kapu kaapuk? Wan kaapuk. Got déku kapmu dé gunéké kulé mawulé bakna kwayék.<sup>9</sup> Naané jébaa ye kulé mawulé kéraano mukatik, naané naana yéba kevérekno. Naané naana yéba kevérekmarék yaké naané yo, Got déku kapmu yate naanéké kulé mawulé bakna tiyaadéka bege.

Taitaské 3:5 Yanan yéknwun jébaa véte dé naanat kutkalé yak, kapu kaapuk? Wan kaapuk. Got déku mawuléba sanévéknwute naanéké mawulé lékte dé naanat bakna kutkalé yak. Dé naanat kutkalé yate, yanan kapéredi mawulé yakutnyéputidéka déku Yaamabi naanéké kulé mawulé tiyaadéka naané kulé mawulé kérae miték rasaaku.



## **V We must put our faith and trust in Christ in order to be saved.**

Romba 4:24 Wani kudi naanéké wawo dé wakweyo. Got naana Némaan Ban Jisasnyét wadéka giyae dé yanan kapéredi muké kiyaak. Kiyaadéka naané Gotna méniba yéknwun mu yakwa du taakwa ranoké, Got wadéka dé tépa nébéle raapmék. Raapdénké naané Ebrayam yadén pulak Gotké miték sanévéknwute, déku kudiké “Adél” naanaran, dé Ebrayamké wadén pulak, naanéké wawo waké dé yo.

Romans 10:9-10,13 Guné kéga wagunéran, ‘Jisas Némaan Ban dé ro, akwi du taakwa gwalmuké wawo.’ Naate wagunéran guna mawuléba waké guné yo, ‘Krais kiyaadéka Got wadéka dé tépa nébéle raapmék. Wan adél.’ Naate wagunéran Got gunat kéraaké dé yo Setenna taababa. Kérae gunat kutkalé yaké dé yo.” 10 Naate naané wo, Gotna paaté kuldéngnan bege. Naané naana mawuléba Kraiské miték sanévéknwute déku kudiké “Adél” naanaka, Got wadéka naané déku méniba yéknwun mu yakwa du taakwa naané ro. Naané nak du taakwat kéga naané wakweyo, “Jisas wan naana Némaan Ban.” Naate wakwenaka Got naanat Setenna taababa kérae kure yédéka naané Gotké yénakwa yaabuba yu. Wani muké kényi kudi Gotna nyégaba dé kwao: Némaan Banét waatakwa akwi du taakwat dé Setenna taababa kéraadu, de miték rasaakuké de yo.



*If you want to accept Jesus Christ as your Savior and receive forgiveness from God, here is prayer you can pray. Saying this prayer or any other prayer will not save you. It is only trusting in Jesus Christ that can provide forgiveness of sins. This prayer is simply a way to express to God your faith in Him and thank Him for providing for your forgiveness.*



**"Lord,**

**I know that I am a sinner. I know that I deserve the consequences of my sin, which is death and hell. However, I am trusting in Jesus Christ as my Savior. I believe that His death and resurrection provided for my forgiveness. I trust in Jesus and Jesus alone as my personal Lord and Savior. Thank you Lord, for saving me and forgiving me! Amen!"**

**Amazing Grace Publishing \* PO Box 1963 \* Joshua TX 76058 \* 817-426-1828 \* E-Mail JamesAV@aol.com**